



Na osnovu tački IV, V i IX Odluke o kriterijima za utrošak novčanih sredstava za modele ostalih vrsta novčanih podsticaja (Službene novine Kantona Sarajevo broj:32/13), te člana 15. Zakona o novčanim podsticajima u poljoprivredi na području Kantona Sarajevo ("Službene novine Kantona Sarajevo" broj 1/12 i 15/13) Ministarstvo privrede objavljuje

JAVNI POZIV

za sufinansiranje učešća (zakupa izložbenog prostora) na sajmovima poljoprivrede i prehrambene industrije u Bosni i Hercegovini

PREDMET POZIVA:

Pozivaju se zainteresovana privredna društva, registrovana fizička lica i udruženja čije je djelovanje u oblasti poljoprivrede i prehrambene industrije sa područja Kantona Sarajevo, da se prijave na javni poziv za sufinansiranje učešća na sajmovima poljoprivrede i prehrambene industrije na području Bosne i Hercegovine.

OSNOVNI USLOVI:

- Pravo učešća imaju registrovana privredna društva, registrovana fizička lica i udruženja registrovana kod Ministarstva pravde i uprave Kantona Sarajevo .
- Podnosioci zahtjeva trebaju imati sjedište (za pravna lica) odnosno prebivalište (za fizička lica) na području Kantona Sarajevo.
- Podnosioci zahtjeva ne smiju imati dugovanja po osnovu poreza i doprinosa
- Podnosioci zahtjeva trebaju imati vlastite proizvode za izložbu.

POTREBNA DOKUMENTACIJA:

Za fizička (registrovana lica)-kopija CIPS-ove lične karte i prijave mjesta boravka
-kopija općinskog rješenja

Za pravna lica – kopija sudske registracije

-specifikaciju proizvoda sa naznačenim potrebnim izložbenim prostorom

-uvjerenje od nadležne poreske uprave da nemaju dospjelih, a neizmirenih dugovanja po osnovu poreza i doprinosa

-Rok za prijavu je 7 dana sa danom objave .

-Zainteresovani svoje prijave mogu podnijeti lično na protokol Kanton Sarajevo, na adresu Reisa Džemaludina Čauševića br.1., ili putem preporučene pošte sa naznakom: " Zahtjev za sufinansiranje učešća na sajmovima poljoprivrede i prehrambene industrije".

-Nepotpune i neblagovremene prijave se neće uzimati u razmatranje.

-Kontakt telefoni:562-233, 562-124,562-141

